

OKVIRNI SPORAZUM

Za nabavku goriva i lož ulja za potrebe KJU „Dom za socijalno zdravstveno zbrinjavanje osoba sa invaliditetom i drugih osoba”

1. **Kantonalna javna ustanova “Dom za socijalno zdravstveno zbrinjavanje osoba sa invaliditetom i drugih osoba”** sa sjedištem u Sarajevu, Nahorevska 195, koju zastupa v.d. direktora Husnija Ovčina Mr. politologije / u daljem tekstu: **Naručilac** / i
2. **GREEN OIL DOO SARAJEVO**, ul. Marka Marulića broj 4., Sarajevo, kojeg zastupa direktor Reko Muhović / u daljem tekstu: **Dobavljač** /

I. UVOD

Član 1.

Na osnovu provedenog otvorenog postupka javne nabavke – roba – goriva i lož ulja Ugovorni organ je Odlukom broj: 27-2078/20 od 30.11.2020.godine odabrao ponudu Dobavljača broj 390-10/20 kao najbolje ocjenjenu ponudu nakon provedene e-aukcije u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje ugovora o javnoj nabavci s Dobavljačem za nabavku goriva i lož ulja za potrebe KJU „Doma za socijalno zdravstveno zbrinjavanje” prema tenderskoj dokumentaciji i ponudi Dobavljača te uslovima utvrđenim tenderskom dokumentacijom i ovim Okvirnim sporazumom, u skladu sa potrebama Naručioca.

Ovaj Okvirni sporazum se sklapa na period do 31.12.2022. godine i predviđa sa ciljem realizacije isporuke roba tokom perioda ugovorenog ovim Okvirnim sporazumom.

II . CIJENA

Član 3.

- Ukupna vrijednost ovog okvirnog sporazuma (bez PDV-a) iznosi : 132.000,00 KM
- PDV (17%) iznosi: 22.440,00 KM,
- UKUPNA VRIJEDNOST/CIJENA okvirnog sporazuma (sa PDV-om) iznosi: 154.440,00 KM,

III. USLOVI PROVEDBE OKVIRNOG SPORAZUMA

Član 3.

Naručilac prihvata mogućnosti promjene cijena goriva i lož ulja u skladu sa zakonskim propisima u Bosni i Hercegovini i kretanjem cijena na svjetskom tržištu.

Dobavljač se obavezuje da će kod eventualne promjene cijena Naručiocu dostaviti (putem faxes) kopiju odobrenja izdatog od nadležnog Ministarstva o važećoj cijeni naftnih derivata (OPC obrazac za benzin i dizel sa benzinske pumpe iz Kantona Sarajevo, a za lož ulje sa lokacije benzinske pumpe gdje je registrovano skladište za lož ulje koje je dostavljen prilikom predaje ponude). Svaku promjenu cijene ponuđač je dužan prije dostave OPC obrazca najaviti 24 sata prije pisanim putem.

Član 4.

Ponuđač se obavezuje da će početi sa isporukom odmah po sklapanju ovog Okvirnog sporazuma na zahtjev Naručica.

Dobavljač se obavezuje da će u sjedište Naručioca ul. Nahorevska broj 195. Općina Centar – Sarajevo vršiti sukcesivnu isporuku ugovorenih količina **lož ulja**, prema potrebi i zahtjevu Naručioca u roku od 24 (dvadesetčetiri) sata po dobijenoj narudžbenici od strane Naručioca iz registrovanog skladišta koje se nalazi u Žepču, Goliješnica bb.

Preuzimanje i isporuka goriva za službena vozila u vlasništvu Naručioca će se vršiti na benzinskoj pumpi Dobavljača koja se nalazi u Sarajevu ulica Marka Marulića broj 4.

Član 5.

Naručilac će vršiti plaćanje na osnovu ispostavljenih faktura Ponuđača.

Naručilac će izvršiti plaćanje fakture iz stava 1. ovog člana u roku od 60 / šezdeset/ dana od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju preko „Trezora”, ako je Naručilac u ugovorenom roku predao nalog za plaćanje.

Član 6.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

IV. OBAVEZE I ODGOVORNOST DOBAVLJAČA

Član 7.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač je dužan osigurati kvalitet goriva, lož ulja i plina u bocama u skladu sa zakonskim i podzakonskim propisima, donesenih od nadležnih institucija Bosne i Hercegovine.

U slučaju da ne osigura traženi kvalitet Dobavljač je odgovoran za svu štetu koju pretrpi Naručilac usljed nepostojanja kvaliteta iz stav 1. ovog člana.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

V. BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 8.

Dobavljač je, u smislu osiguranja izvršenja obaveza po ovom okvirnom sporazumu obavezan Naručiocu dostaviti garanciju za uredno izvršenje ugovora / dobro izvršenje posla u iznosu 10 % ukupne vrijednosti okvirnog sporazuma, sa rokom važnosti garancije: do 31.12.2022. godine.

Član 9.

Dobavljač će garanciju iz prethodnog stava dostaviti u roku od 7 dana od dana zaključivanja/obostranog potpisivanja ovog ugovora. Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

VI. OBAVEZE NARUČIOCA

Član .10

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba , Naručilac se obavezuje odmah po uočavanju propusta dati Dobavljaču prigovor u pisanoj formi.

VII. RASKID OKVIRNOG SPORAZUMA

Član 11.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

VIII. RJEŠAVANJE SPOROVA

Član 12.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

IX. SASTAVNI DIJELOVI OKVIRNOG SPORAZUMA

Član 13.

Sastavni dio ovog Okvirnog sporazuma je Ponuda Dobavljača broj: 390-10/20 od 26.11.2020.godine.

X. STUPANJE NA SNAGU OKVIRNOG SPORAZUMA

Član 14.

Ovaj okvirni sporazum stupa na snagu danom obostranog potpisivanja.

Ukoliko ugovorne strane ne stave istovremeno svoj potpis, okvirni sporazum stupa na snagu danom stavljanja posljednjeg potpisa.

Ovaj okvirni sporazum se zaključuje na period do 31.12.2022. godine, bez mogućnosti prećutnog produženja istog.

Član 15.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:

Kantonalna javna ustanova

„Dom za socijalno zdravstveno zbrinjavanje
osoba sa invaliditetom i drugih osoba“

Ovčina Husnija, v. d. direktora

Broj: 27- 2188 /20
Datum: 18.12.2020.

DOBAVLJAČ:

„GREEN OIL“ DOO SARAJEVO

SARAJEVO

Reko Muhović, direktor

Broj: 468-1212
Datum: 21.12.2020.